

كبرلي

أحمد دومة

قصائد بالعامية المصرية

فكوا حصار الليل
لملموا الأشلاء
يا رفاق عن السهرة .
الليل مهوش متسع
والذكرى مش مستقرّ
فامسحوا دمعكم
عن وجه مناماتي
لا وقت للقهرة .
لا فرصة للأحزان
الطوفان هايج
والمعركة بتكره
الهدنة والتسليم
فلا صفّ عدّ الجثث
ولا كفّ سدّ الجراح
ولا النهار قابل
باللي اندفع أرواح .
وحشي النها، وظلوم
ما يقبل الأحباب
إلا في حزن الأرض
ينبتوا الصباحات
ويضربوا جذورهم
في أرضهم مُهرة
لا تكتفي بآخر
ولا تنتهي بمنتهى .
لكنه عهد انقطع
ومعدش غير يبتدا
....
ف لملموا الأشلاء،
يارفاق، شهود، شهدا .
المعركة للنهار،

في الميدان، بُكره
فقدوا شمس الوجود
للوجود، أبدا .

(2)

ياعنين يا متكخله
من قبل بدء الخلق
متصوّرة آيه :
راح تقدري تمرجحي
على الرموش غيري ؟
يا عنيتها يا سريري
وفرشي وغطايا
ضمّيني مرّة كمان
وابقي العبي ف شعري
واحكي لي حدّوتة
آخرتها مش فرقة
يمكن أصدّقها
وأحسّ جوايا
-بالعند في الواقع-
إن الأمل ممكن
لو، حتى، في حكاية .

....

وإن نمت سيبيني
أخاف تصخّيني
فالقي الجفون ملّت
ضّمي؛
فاعيش مطرود
أو أموت-بلاكي-
وحيد.

....

سيبيني انا، يمكن
ما اقومش من حضنك
فتكون جفونك كفن

زَيِّ ما كانوا مهد
وأموت في غاية السعد
م الفرحة بيكي عشان
حققتي لي منايا ...
يا عنيتها يا آيه .

(3)

مانيش مشغول
تكون صورتي،مخدة
تهدهد الأحلام،على سريرك
ولا تمثال رخام بارد
في ساحة نصر أهدوه للعدو
وظلقوا(رصاص خيبته)
على طيرك
أنا يا حلوتي ما أشبهش
لا السلاطين،ولا الأبطال
ولا حيلتي-سوى هذي القصايد-

مال

فلا هانفع أكون ليكي
ولا لغيرك .
ووجي الأنبيا يشبه
في طهره
لوثة الشعرا
مع ذلك:لا قدر ربنا لي
أكون مرسل
ولا بطل إله الشعر
تعذيبي بتصويرك .
مانيش مشغول يكون إسمي
ما بين أهل الخلود محفور
لكن نفسي أكون
-في السجن-
طاقة نور
تعزي المحرومين
-يا حرّة- من خيرك .
ويكفييني إني أبقى رغيف

في إيد جعان
ووردة يحطها ولهان
في شعر حبيته؛
فتبوسه
أنا يكفيني أبقى هتاف
في حلق شباب بيتظاهر
ومش خايف قضاه يدوسه
أنا يكفيني أبقى بسمة
بتعاندي في بؤس الكون
وكلمة حقّ...
للفرعون
وشربة ميه من فله
في غيط فلاح،
شبه جدّي
بعرقه بيروي فردوسه
وسحابة صيف
على شقيان في عزّ الحر .
أنا نفسي-يا حلوه أمرّ-
على الدنيا، في لحظة،
كطيف
وأخرج منها كيف ما دخلت
لا دابن فيها ولا مديون
أنا نفسي أكون .. وأكون
وما عرفتش أكون حاجه
سوى "إنسان" في كون
همجي
لا عارف ينجو من قبحه
ولا قادر يغيّر فيه
فسامحيني ...

(4)

(أ)

وأنا وسط الوجع

والتيه

باغمض عيني، فالقاني

هناك ع الشط متبسم

لإن الموجة لاعبتي

ورشتني على وشي

ومشيت ،

والفرح جاني .

وبابي -حتى بالرملة-

يا دوب أوضه

لكتك فيها سابقاني

هنعمل يعني إيه بالقصر؟

أهو حتى

إذا جت موجه عاندتنا

وهدتها .. ما نزعلش

ونرجع نبني من تاني .

(ب)

باغمض عيني، فبشوفنا

أنا بقرأ على المكتب

وناسي سيجارة في إيديا

وإني كلّ كام ثانية

تروحي وتيجي حواليا

عشان أتلم وأجيلك

وأنا، من غير ما أوريلك

مخبي بالكتاب وشي

وباضحك من صميم قلبي

على مكرك، ومن غشي

ومن طبع العناد في .

(ج)

عيوني ، ولسه قافلها

ورحلتنا في أولها

ووجهة عمرنا

"فلسطين"

في أول مرّة نتلاقى

عيوننا كانوا متواعدين

يقيموا الليل على سورها

وفجرًا،

يضووا قنديلها .

ورغم إن الطريق مسدود

وخط السير ماهوش

دوغري

أنا ع العهد من صغري

ورحلة عمرنا ، بكره

أنا وانتي

نكملها .

(د)

باكمل شوفة المشهد

وخايف تتفتح عيني

فابطل أشوف

وابطل أبتسم، واضحك

ما هم قالوا زمان:-

"جرحك"

عشان يرجع يلّم، انساه

وما تلقّش عليه وتطوف "

وأنا م الصبح ، باترجّاه

يللم نفسه بالمعروف

وينساني

عشان أرجع أشوف تاني

وأنا مفتّح

ونرجع من جديد

نفرح

بحريّه

تكفي الكل وزيادة

وتبقى للبشر عادة

وتتحدى الوجد

والخوف

وأرجع أشوف .

(5)

يا صحبتي الباقية
يا سَكَّتي لله
يا دايرة في الساقية
ورا حلم مش طايله

..

يا جرح يتجدد
كل ما ييجي يطيب
وآمال بتتبدد
مني، وحاضنة غريب

..

ليه كل أحلامك
متشترية بدمي
وعمري اللي خدامك
في سنينه بتذّي؟

..

ليه غاويه تعذيبي
ودبحي بسكينك؟
يا هل ترى عيبي
إني على دينك؟

..

الناس، يا ست الناس
بتلوم عليّ إني ليكي
قظرت روجي ف كاس
لاجل ما ترويكي

..

وانتي الجفا طبعك
والقسوة فيكي صفه
يا مصر: أنا تبعك
كوني-بقي-منصفه .

(6)

لو كان طريقك للوطن
مبدور حفر
افرد له عمرك قنطرة
علشان تنجّي اللي وراك
خطر الوقوع .

كلّ ما يصليك من لظاه
اسقيه بدمك مرحمة
واهديه في خالك ظلمته
-من حبتين عينك_
شموع .

حفظ جبينك تربته
بكثر المرابطة على الثغور .
خليك في ضهره هتحفظه
-ساعة المزاحمة-
من الرجوع .

أذن لصبحه بالهتاف .
قبل الوقوف في الصف
وصّيه بالعرق
ووضي روحك لما تتعب
بالدموع .

جدد عهد الودّ ليه
صبح ومسا
واوعاك تنسيك قسوته
حضنه الوسيح .

شرط النسب للأرض دي

-بعد احتمال الهمة-

تقديم الكفن

والشرط نور .

شرط النسب للأرض دي

يا تموت شهيد

يا تأدّي فرص العمر

- كله -

بدون ركوع .

(7)

يجوز خايف من الأحلام

وفي الغالب، ده خوف

تفكس

ف كلّ ما انام

أوراب عين على الدنيا

بشوق مفلس،

وأغمّض عين

وعارف إن دي رقصة

على السلم

[عشم في البين]

لا فوق... ولا تحت

لا أنا اللي نزلت للواقع

يجوز ارتحت

ولا اللي سبحت

في السموات على غيمة

أشوف من فوق

فترجع كل حاجة تدور

زيّ مشاهد السيما

خفيفة، صغيرة، وعابرة

وأحداها ما بتعورّش

وما تبقيش، سوى العبرة

رصاصها فشنتك

تفاصيلها راكور، مش جدّ

وكّله ف دور

يا دوب ع القدّ

وإتقاناها ما يتصدّق

ملوش قيمة، غير

في عتمة الصالة

وم الوحيديين

ما هو اللي ف صحبة
مش هيفوتها
لاجل الفرجة ع التانيين.

**

وأنا كان لي-زمان
أصحاب
بنتشارك مع اللقمة
براح الحلم، ضيق الحال
وصبر الغاية، في عليائها،
ع الأسباب
وقرحة مزمنة م الغاز،
تجرّنا على السلاطين
تدرّنا بمحال قتال
وربكتنا قصاد الأثني
أول ما نردّ الباب.

بنتشارك

وقاحة، وجيهة، ع القاضي
إذا عرّص
نردّ على التهم
ب الشين.

وع القارح -إذا كرس لتقريحه-

بخزق العين.

وشبر وقبضة، خنّاقة

من الزنازين

بنتشارك

في كلّ صغيرة وكبيرة

حتى ف إننا مجانين.

ووقت الخيبة، قسّمناها

بالقسطاس

رصاص وأنين

-لكلّ قدر ما قدّم-

**

وأنا مثقل

بتأخيري عن الموعد

وهذا الوعد لا يعدم

شباب راكب بساط الموت

...

يا صحبة فاتتني متعزي

من الصحبة، في بطن الحوت

نقضتم عهدنا نطلع

كما نزلنا

ف تابوت واحد

وصوت واحد

ووحديكم

صعدتم سلّم الملكوت.

أنا والله مش مدبر

ولا خايف

لكنّ ال "فوق" مهوش سامح

ولا مسامح

لكاعة خطوتي من قبل.

أنا آسف

ف مدّوا الحبل

-من عليائكو-

لاجل ما افوت .

(8)

دقّ الجرس
وانشقّ صدري
بطلقة غدارة.
كان الولاد
في المعاد
بيزّينوا الحارة .
ببقيدوا
-ليلة العيد-
شجرة ميلاد النور.
على خضار عودها
بيزّهروا ورودها
ويعلّقوا الأحلام.
والليل كما الحيّة
بينصب الخيّة
زيّ اللي في الأفلام.
والعمّ "سانتا كلوز"
كان جيّ ل اللي يعوز
فرحة.. وورا ضهره
شايل جراب "كاكي".
استبشروا بالعمّ
واتلمّوا من حواليه
واتمّنّوا، كالعادة.
قام فرّق الرصاصات
-بالعدل-
في صدورهم
ووقع الأحلام
ع الأرض، م السماوات
وداسها ب "بيادة"

ولونّ الليلة
-والحارة-
لون الدم...
من يومها، ليلة العيد
عند الجميع فرحة
وعندنا "ميتم"
وكلّ ذكرى،
الناس
بتخاف تواسينا
ل ييجي "سانتا كلوز"
-بالميري-
ويورّع
هداياه على الناجين .
يا فرحانين :بشويش
الحزن له دراويش
طايفين عليه بأنين؛
فاحترموا أوجاعهم .

(9)

قصاد صورتك
وضحكة عينك الواثقة
ببكرة؛ كانه تريبتك
أنا باصغر وباتضاءل
وانتي بتكبري جدا
أنا عجزى بيقتلني
وانتي بتحمي أحلامنا
بحريتك.
قصادك يا سنا جيلك
باشوف أرض الوطن
بتشبّ
لاجل اما تنوس إيدك
وباسمع إسمك الخالد
هتاف بيردده قيدك
وصخر ملامحك
-الممنوعة م الترويض-
بنوشمها على صدورنا
وبنوزعها
-زي البسمة-
يوم العيد
وبنصلي، لرب المقهورين
بيكي،
بنتشّفّع له بحكايتك
يحوش عن حلمنا البعدا
-ولاد الكلب-
نسل يزيد.

- ل "سنسن" -سنا سيف- في واحدة من اعتقالاتها -عبر المعتقلين، مستشفى قصر العيني، ٢٠١٤م.

زحمة السؤلات بتنذي
خاصة والوضع "صامت"
تنهش الوحدة ف نافوخي
فابدأ أهذي..

والقى _ دون الناس بحالها _

قيامتي قامت

زحمة السؤلات جنون

تبتدي ب ليه اتخلقت؟

ثم تسحلني ف طريق

آخره : هو الرب كان

منحاز لمين؟

ل اللي عاشوا بيطلبوا

دم الحسين

ولال كلاب السكك؟

يعني: هو ربنا في اللحظة دي

كان قلبه فين؟

في (لاظوغلي) (ولا في) (الميدان) ؟

مش قصدي حسبة مين هزم ولا اتهزم

إدراكي عاجز ع الوصول

للحكمة وراكل اللي كان

وهو _ جلت قدرته _

لساه مصمم ع السكوت

الغربة موت

والمعمعة ندهت لنا

قبل الأوان..

كنا عرايا من الحذر

متجردين م التجربة

والحلم _ وحده _ مش مكافئ

للعدم

بالذات في احضان الخيانة

فما بالكو لو إن " الأمل "

هو اللي خان

للقنوط ؟Game وسلم ال

ساعتها مش هتعيش وطن

غير غربتك

وساعتها مش هيدوم إيمان

غير بالمحال

....

فالمجد ل " الغرباء " على مر الزمان

و "السلطة" للأندال ولكلاب السكك .

يا مصدقين الحلم
ومختارين ضيئه..
رغم الليالي السود
وعتمة الكوابيس..

يا مزروعين في غيطان
السجن قمح وأمل..
تسدّوا جوع الوطن لبكرة
وتحرروا من حبسكوا
المحابيس..

يا عارفين بالجاي
يا أولياء الحق
آه " يا كافرين بال"
لأ " ومؤمنين بال"
ومأدينين فرضكم
جمعا على المتاريس..

يا صحبة الجنازات
والنوم على الأرصفة
والضحك ساعة الموت
وكأنها رحلة
متقدّرة ومُنصفة..
ومقدّمين نفسكم
لعروسة في الطلقة
وكأن فيكوا عريس...

يا جيل من الأنبياء

رسالته حبر ودم
مهما الطوفان يتغز
سفينتكوا عارفه الطريق
ومفيش جبل عاصم
م اليأس غير الحلم..
فاتمسكوا بخطاه
مهما يبان مجنون..
واتحسسوا نوره
في عتمة الكوابيس.
ليمان طره - ٢٠١٤م

(12)

صورتك حافظها المؤمنين
بالحلم، وحروفك هتاف
فمن ضحككتك، ياحلوة، فممن؟
من غيرها قلبي رجع يخاف .

**

بوابة ٧ بتسأل السجان

عليكي كل يوم

- متأخرة؟

- مش جاية تاني غالباً.

فتصدّ بابها في الوشوش

بعد اما روحك علمتها

تبسم

قبل ما تأذن بالمرور .

**

شايفك مرابطة ع الرصيف

بتكسري عضام الملل

بالانتظار

وبترفعي راية النهار

رغم الخفافيش والنسور .

**

لساكي بتعاندي الأمل

بالأمنيات

ومكلمة الوعد اللي فات

بوعد كل حروفه نور

لساكي -يا أجمل وجع -

أجمل مني

وأنبل قضية للنضال

لساكي شمس بتوقفي

زحف الظلال

ومحال

بيهزم كل سور .

**

زنزاني بتغنيكي غنوة

لحنها ضدّ الرجوع

وكلامها بينول عيوني

براح وسيع

غنوة بتشبهه ، في الأمل ،

ضمّة وطن

بيساع في أحضانها الجميع

وطن

ماهوش مجمع قبور .

**

لساكي يا حلوة الونس

في "القوقعة"

وسيف عنادي

في خضمّ المعمة

وف عتمة السجن الكئيبة

الموجعة

لساكي نور .

(13)

أول مرّه
أشوف الباب مقفول
وأحس الكون بيضيق
ووشوش الناس مهمومة بشيء
مش باين من كتر دموعهم.
أول مرّة
الشمس تحوش النور
والخوف يبجي ما يمشيش
وأشوفي ف صورة
وما اعرفنيش
في ملامحي تفاصيل
مش ميّي
أول مرة أحس كإني
مسجون ...
وغيابك سجّاني
والكلمة ثقيلة على لساني
فأبطل أغني ..
وأسألني:
امتي انت تبطل تنساني؟!

كلامنا كثير عن الفرقة
على ما يبدو أغرانا
فَعَجَّلْنَا بمعاد البعد
صحيح أنا وانتي مُتْنَا
ف بعض
بس ما عشناش سوا
حكاية ،وقبل ما تبدأ
قتلها في الهوى خوفنا،
انعدام شوفنا،
وتسليمتنا
لسجّان كاره الإنسان
وكاره صبرنا ع الوعد .

**

أناني كنت في حبك
وكنتي برضه أنانية
فسببتيني أتوه عنك
ولا تبّي في إيديا
ولما طالت الغيبة
-على ما يبدو- ملّينا
وقررنا
نشوف حاجه تانيه نعملها
فبطلنا انتظار الجاي .
لكن في عتمة التسليم
نسينا نشوف ههنسى إزاي؟
وقبل ما تمشي ما اديتيني
حضن وداع
ولا بوستيني في عينيا
أناني كنت في حبك

وكنتي برضه أنانية .

**

حاولنا،وللا ما حاولنا

خلاص البعد بدّنا

وبقيننا غيرنا،مش إحنا

فما تلوميش على المحنة

ولومي عالي قساي

عليّ

ولومي خذلانك

وشوفي إيه اللي نساي

سنين متعاشة علشانك

ملوش لازمة العتاب ..

عارف

لكن قبل الختام

خايف

تكوني نسيبي عنواني

أنا ع الباب ومستبي

رجوع كلك

لأحضاني

ولا هاتعب ..

ولا هاقسى

ولا قلبي هينسى ف يوم

عيونك ،ياللي ناسياني .

فنجاني وحيد ملهوش سيرة
غير شوقه ل ونسة فنجانك
والبن قابلي بتكشيرة
قرر يتمرد علشانك

..

الكرسي الفاضي اللي قبالي
البيتم اتصاحب على روحه
من ساعة ما هجرتيه خالي
وحنينه مزود له جروحه

..

ورصيف مشاويرنا المتعاده
بقي واخذ جنب ومُنكرني
متجاهل خطوتي، بزياده
وفائتي لحزني اللي كاسرني

..

في غيابك حتى الروح فارقت
أنفاسي اتخنقت جوايا
يا تردي الروح اللي اتسرقت
يا تقومي-قوام-تاخدي عزايا .

زيّ النهارده
من زمان خالص
كان ، بدل الفرح
مخضوضين
كانوا كعادة من خُلق
من طين مستغربين النور
لَمَّا اتولد بينهم
ليل الخطيّة بنى
١٠٠ سدّ في عيونهم .
فاتمرمغوا في الوحل
متشتتين .. مساكين
ساعة ملايكة ،
وألف يوم شياطين .

**

العدرا-ست الجمال
حُبلى بروح رينا
اختارها طاهرة
من نسب طاهر
ولإن عقل البشر
-فطرته-قاصر
حكّموا على الظاهر
ورموها بالمعصية
يا أغبيا:
المصطفين
مش محتاجين أسباب
أصل اللي أجرى المعجزة
ليهم
قادر يخليهم

في خلقهم معجزين .

**

هيرودس المجرم
طالب هلاك الصبي
مش فارقه عنده إن كان

إله أو نبي

كل اللي شاغله :

الملك والسلطان

وكمثل أيّ جبان

جرّب يخادعو

فانخزي كيده

وبأمر سيده :

لمصر يا أمّ النور""

قومي اهربي؛

دي مصر مأوى

ل اللي مضطهدين"

**

مصر الملاذ-كانت زمان

ضمّه

تطعم وتحمي

يامّه " وتتنده"

دلوقت ليه حضنها

أصبح مخيف،بارد؟

يا عقل يا شارد

تلاقيها مستنظرة

يظهر مسيح تاني

يطمنّ الخافين .

**

للناصرة راجع بعد ما

اطمنّ

مأمور يعود
وكلّ شيء بمعاد
أهل البلاد حواليه
أرواحهم الجعّانه
طالبه الزاد
لسه كأى جماد
محتاج يلين حبّه
وهو- ما أجمله-
كان جاي بمحبة
تحبي قلوب ماتت
وترشد التايهين .

**

وصاياہ بتروي العطشانين

ل الله ..

لساه بيحمل للجميع

الخير.

نور كّله، بسّ عيوننا

مش شايفاه

لا تظلموا بعضكم-لا تراءوا))

ولا تكرهوا..)

واغفروا للغير)

يشفي ويحيي

-بأمر ربّه-

ويطرد الشياطين .

**

وبرغم كل الرحمة

طلبوه

والربّ خلدّ إسمه

رغم الطلب

تلاميذه -ساعة المعمة-

نكروه
ويهوذا باعه
بكام ريال فضّه
الحزن ما قصى
ولا يكفي ما قد جرى
ألفين سنه من عجب .

**

ده كان مسيح معجزة
واتخان مع ذلك
فما بالكو مش قادرين
تستوعبوا الخيانات ؟
وانتوا يادوبك بشر
ماشيين في سكة قدر
لكنكم مساكين
بينكم وبينه كتير

...

هدّوا صليب خوفكم
واتعمّدوا بالنور
والحبّ والرحمة
وخلصوا روحكم
زيّ ما هو أراد
وإلى معاد، ابعثوا
سلامات
إلى روحه
حتى اللقا في السما
من غير وجع، ولا طمع
ولا ظلم
ولا ظالمين .
آمين .

المشكلة

إن اللي جاي في العمر
مش قدّ اللي راح
والقلب مافيهوش متّسع
-تاني-لجراح
لا الصبر بيداوي
ولا الجزع ه لآك
إيه بسّ كان خ لآك
غاوي السخط يا خي؟
لو خوف من اللي جيّ
فمفيش ضمين تحضره
إذا ربنا قدّره
هيكون، برغم الحذر
فاقبل بحكم القدر
واستنى تدييره
حتى ولو مش زيّ
حلّمك، ومش لونك
الحلم ه يخونك
من فرط ثقّتك فيه
فبلاش تآمن بيه
أكثر من المعقول
العمر مش ه يطول
والتجربة مُرّة
فكّر.. ولو مرّة:
لا اللي صبر بيننول
في الدنيا غير الممل .
ولا اللي يشبهلك
طالي غير سراب غدار.

الدنيا يا صاحبي
مخلوقة للأشرار
ومفيش مكان فيها
للساذجين والعبط
المتباعين ب مفيش
على رصيف مترو
يمكن بكثر الخبط
تتعود التلطيش
وتبطل الدوشة .
صدقي مش فارقه
عافيه ولا مشاوشة
فاصرخ بدل ما تموت
م القهرة والحرقة
على عمرك المهدور
مستتي تعمل دور
على مسرح الدنيا
هزلي، ومش منك
صدقي، يا صاحبي :
الارتجال أحسن
-حتى ولو بالغلط-
م الموت غريب عتك .

بافتكر ما كان ما بيننا
 بالدموع، يمكن أخفّ
 بيجفّ بير الذكريات
 والدمع ليه بظل يخفّ ؟
 يا ستّ عمري اللي انقضى
 إزاي راح أنسى ما مضى
 وأنا روجي لسه ف ساقيتك
 متغمية، وهلكانة لفّ.

**

بافتكر فرحة عيوني
 بطلتلك، زيّ الرضيع
 تحضن جمالك بصّتي
 فيشبّ في قلبي الربيع
 وتفتّح الوردات ب شوق
 ويدوم على الدنيا الشروق .
 يا ضحكة الكون اللي كان:
 غرقانة ليه ف بحر الدموع؟

**

بافتكر، حتى بقيت
 "برواز" معلق في الهوا
 تصاويره غارقه ف دمهها
 والموت مفيش منه دوا.
 لا له جدار يسند عليه
 ولا صورة توهب روحها ليه
 وخشب كيانه في الختام
 هيكون حطب نار الهوى .

مهزوم في حربك
لأجل تنتصري
وب عود شبابي، باسندك
ف إزاي

-في وجودي-

لسه قادرة تنكسري؟

يا أنة الراجعين

في لهيب صحاري الحلم

بيجرجروا الخيبة

ويجمّعوا الدهشة، من وثنّ شهداءهم

يهدوها للعالم

بيواجهوه بالعار.

يا دمع أمّ

ف مشرية الانتظار

لسه النهار ما وفاش

وردّ أحبابها

من عتمة الغيبة .

يا وصية مكتوبة

بالدمّ ... ساعة الفجر

ساقية السكك حواديت

والنوت مقامات

فيها الصباغ لآب

ساقية التاريخ أصحاب

ما حد فيهم مات

بيعلّموا الآتي

درس النضال ثاني

يا جرح نازف في مستشفى

ميداني

ما لمّهوش تصرّيح
على لسان العرص
إن الجراح لمت .
يا ثورة ما تمّت
من فرط ما اتخانت
هيّ صحيح هانت
وللا اللي هان إحنا؟
ما بين سجون وقبور
حاجزين مطارحنا .
متقسّمه م القدم
بالجور، ومع ذلك
ضاحكين على روحنا
وإننا راضيين
مع إننا كافرين
بما جرى فيكي
مين غيرنا شال سيفه
أما اتغدر بيكي، وسلموكي
بلاش
للسفلة والأوباش؟
مين غيرنا في المعمة،
كان عمره يفديكي؟
يا ستّ أحبنا
وحبنا ليكي:
من غير أمل في اللقا
إيه فائدة الأشواق؟
سبّاق على دربك
ومعين على كربك
وإذا انكتب لي ف يوم
-يا ستّنا-قربك
هاعيش لسلمك فدا

وأموت شهيد حربك.

ضمن انتصار المستحيل

ع الممكنات السابقة

إن اللقا ..

يبقى احتمال

وإن الغياب يصبح روتين

وإن اللي عاش عمره

ف براح هذي العيون

دلوقت متحاش النظر

عن بصّته

ولا صدّي، ولا حتى صوت

في كلمته

دلوقت هذا الحُرّ

-بعد ما ودّعك-

متفات في أوهامه

سجين.

**

ع الباب

-وعمر ما كان بيفرق

بيننا باب -

متضخّمة كلّ السدود

متوخّشة

وبدون خشا .. وبدون حدود

مزهوّة بالنصر المبين

حاسّه بذاتها المجرمة

ما بين رفاقها المجرمين

هيّ اللي دورها المنع

مش مستوعبه

حجم انصباغنا لمنعها

وعلى قدّ ما اعتادت
نقاوم ظلمها
دلوقتِ حاسّه بالانتصار
واحنا
-اللي من نبع النهار-
مابقاش لنا، في العتمة
غير الإستياء
والليل بي فعل ما يشاء
في حلمنا.
إحنا اتهمنا، يا حبيبي
لإننا ...
قررنا نبقي مهزومين.
**

ضمن انتصار المستحيل
إني أستقبل
من اللي بيننا، أو أقال
لعلّه الخوف، أو الخيبة
أو-ربما-إن الجمال
اللي اتخلق جوايا بيكي
اتخلّى عنا لقبح ميري
لو ما كنتيش في ضميري
وفي ملامحي
كنت أمحي
كلّ باقي من الحكاية
اتخلّى عنك
قبل ما، في الانتظار
أتخلّى عني.
ربما ف رحم النهاية
بيجي أوّل
ننسى بيه كلّ اللي فات .

ضمن انتصار المستحيل
ع الممكنات
إني أكتب لك قصيدة
ما أقولش فيها "الشوق قتلتني"
-هو من إمتى بيقدر ع القصايد
حد مات؟-
صدقيني، يا نبيلة
يا جميلة
يا ونيسة كل ليلة :
الوجع هيروح لحاله
والبدايات الجديدة
-في الحياة-
مش مستحيلة .

بيفنى العمر
بين لحظة ميلاد صدفة
وساعة موت تفوقنا
من الوهم
اللي عيشنا عليه.
سؤالك: كلّ ده كان ليه؟
مالوش معنى
ماعادلوش قيمة-وانت
خلاص بتتنحى عن المشهد-
تقول إفيه
خلاص فركش .
فلاش باكك-ساعتها-ف رحلتك
عبي
لا هيطول في عمرك يوم
ولا هيحسسك بالفخر
بلاش أحسن
-ماكنتش غير يادوب كومبارس-
هتلقى حاجات كتير تكسف
ومش هتلاقي وقت تعيد
ودورك فيها
ولا تحذف
وهو يعني مين في دوره
كان له إيد؟
بقي في العمر ده كله
ما أدركتش
بان النصّ ما بيقبلش
بالتغيير
وانك بس بتشخص

مراد غيرك
على خشبه، بدون جمهور .
بقي في العمر ده كله
ما أدركتش
وجاي دلوقت تتقمص؟!
بلا نيله
مفيش سوكسيه
ولا-بعد انتهاء العرض-
في جدوى من التلقين .
فنزل انت بإيدك الستار
وانزل.
وفي الكواليس
هتقفل عينك النادية
على دموعها
وهتسيب روحك الموجوعة
أوجاعها
وهتموت وانت متمكن
من الأحزان
تموت إنسان .
ورغم إنك قضيت عمرك
يادوب كومبارس في
أدوارك الأولى
آخر دور، بقي، بطولة
وآخر مشهدك-جنازة كان-
أخذت لوحذك السوكسيه
دموع... ووداع
وكلّ الناس وراك أتباع
إلى قبرك
سلام يا صاحبي
راح تلقى ثواب قبرك

سلام صافى
وراآة آالصة م الأوجاع
سلام يا صاحبى
يا بآآآك
يا ابن الإىة .

شبكت في ساعتى، وانتي في إيديا
شاركنتني خوفي من رحيل الكلّ
كانت بعكس الماشيين .. جايّه
تزرع في صحرا العمر بستان فلّ

..

قطعت سكك واعره، ومشيت لي
لا حاشها سور، ولا هابت الحراس
في عزّ صمت السجن غنّت لي
وقادتلي روحها - في عتمته-نبراس

..

شعراية كيرلي، طايشة متمرّدة
هربت من السجن، بدون ما أدري
فاجأتني، وسط الوحدة، مستشهادة
وبابتسامه رضا،
نامت على صدري .

*شعراية كيرلي، شبكت في ساعتها، وهو عائد من لقائهما المرصود في غرفة الزيارة، لم يفلح التفتيش المتوالي في منعها.

شجرة زيتون ع الجدار
في كلّ ليلة تروح
مشوار لحدّ الشمس
تجيب نهار طازة
وتقدّمه لي
-مع ابتسامة أمل-
على صينية فطار .
شجرة ومستوطنة
-منذ الأزل في الجليل
مادّه الفروع على "طره"
...مُتَنَزِّلَةٌ فَوْقِ
بما أشاء من نعيم
ظلّ ظلّيل للحلم
وف عتمة الواقع
يكاد زيتها يضيء
بنهار ما ينهيه ليل.
زيتنة بتعلّم ،زرّاعها
درس الصمود
من غير ما تتكلّم
تطرح ثمارها جنود
يوقّفوا الغارة
ويواجهوا العجرفة
ويصبروا المنتظر
حتى اللي غاب لخ
يعود.
شجرة ،كما ستي
حواليها لمة بنات
وولاد، في ساعة العصر

مقسّمة عمرها
منايات مع الحواديت
ومقسّمة حجرها
ملاذات على اللاجئيين
ومطبطة بنسيم
روحها، على همنا
فيشبّ فينا الفرح
فوق شية الجنازات .
شجرة وزرعيتها
فنبتت بالأمل
رويتها من شوقك
ومفيش عمل في الشوق
غير يكتمل نصره
ونعود ل "زيتونة"
تضل الملتقى
ويعود من اشتاقوا
من منى فرقتهم
دي الفرقة لا تُحتمل !

*زرعت الصديقة له زيتونة، في حديقة دارها، هناك في جليل فلسطين .

م الظهر باتسَّع
 على ناصية المعنى
 غرضي اصطيداد كام حرف
 يوحوا لها- في الشبَّاك-
 إني اترميت بالسهم
 - كيوييد: ما أغباك،
 فين سهمك الثاني؟
 - هي اترمت لكن
 تقلانه ع اللحظة
 متشعبطة بدلال
 في عقارب الساعة؛
 لاجل ما تتشبع
 بربكتك فيها .
 (اقرا اللي في عنيتها
 من غير ما تجهر بيه-
 حافظ على المسافات-
 احترار، لها، أكثر-
 وقبل حظ الممل
 بخطوة، ما تدوررش:
 أربع حروف كافيين
 -متسكعين زيك،
 على ناصية السهرة-
 قولهم، هتلقاها
 بتمدّ ضفايرها
 وتصطاد هواك هيّ
 .. وهترمك بعدها
 م الوقفة ع الناصية .
 وبعدها، يا حلو،

راح تقفلوا الشباك
ع اللحظة دي للأبد.

بامسّي قلبي بالمشوار
 خطى أشواك
 وبافرد عمري قدامه
 على السكّه
 يروح مشتاق
 (كما النسّاك إلى مكّه)
 ويرجع شوقه أوجع
 م اللي جالك بيه
 في ساعة وردّه كان عطشان
 ولا رويّتيه
 ولا سدّيّتي باب نبعك
 في وشّ ظماه
 خدعتي هواه
 بشجرة نبق مياّسة
 على عتباك
 فلا عاتباك
 على الثمر اللي ما أشهى
 وفاه، وغلده
 ولا أنكر عليكي الحقّ
 في الفوضى
 اللي أحدثّيتها في صدره
 ما هو أيقن بأن الصبر
 فيكي ورد
 (كثير صدّق سراب لحظك
 إلى أن أوصله التصديق
 لعين الورد)
 فمدّ جدوره في رحابك
 ورصّي نفسه بالحرمان

ولا سابق
فأصبح ورده - كما نرسييس -
على شطك
وأغناه قريك الناقص، بكام سنتي،
عن الدنيا

زهد بيكي، فصار قديس
وقدم نفسه ع المديح
فعاش على صفحتك صورة
وفيكي شهيد
وأصبح إسمه أسطورة
وأسمى، رغم سعيه، وحيد
كما أصبح

(26)

الدمّ ما جفّ
والجرح ما خفّ
ولا كفّ الكفّ
عن التسديد
فاخلع نعليك
وقف في الصفّ
ده النصر أكيد.
والصبح الجاي
ملهوش مواعيد
هتمدّ الإيد
هيسلمّ لك..
فما تستسلمش .

(27)

كان الجدار صحرا
من قبل ما طيفك
يحنّ، لي، ويطلّ

نبت الجدار بعدها
من جنتك أزهار
ياسمين وورد وفلّ.

كان الجدار سجّان
لا قلب ليه، ولا روح
من طلّتك، إذا نمت
بقي يمسح أوجاعي
ويضمّني وينوح .

إذا كان يادوب
طيفك
قادر إلى ده الحدّ
ما بال إذا جُدتي
بوصال، ما بعده صدّ
-واقع ماهوش خيالات-
بقليله هتحرّر
وجداري راح يتهدّ .

لو كنت يادوب-بسّ
ضفيرة
في جنون الشعر المتعجب
غرقان في القرب، وفي الحيرة
من عند الحاجب
للسرة
فأشدّ رجال الشوق
مشاوير
وانفكّ واطير مليون مزة
في براح الكون
بين الكتفين
سوّاح، يا بديع الصنع
يا رحمة.. للعالمين
سوّاح، مدّاح في ميادينك
ومليش غير دينك
لاجل ما أدين
ومليش غير حضنك
لاجل أرتاح
أو أستشهد
وإن صدرك غامر واتنهد
هاتمرجح في تلال النهدين
بشقاوة عيّل صبح العيد
واتلكك، واتكعبل ع البطن
لاجل ما صوابك تسندني
وتعيديني لفوق،
فانزل وأعيد .
أتمسّط، ويا محلا التمشيط
-بصوابك- بيحرّر أكثر

فأدوخ تنطيط م الحريرة
واما اتعب
ارجع واتلملم
بايديكي،تاني،في ضفيرة .
على خدّ البدر
أمسح دمعته
أو اقيد لك شمعه
ف ليل الحزن
واغرق من قربك في الحيرة
يا ستّ الحسن.

غَطّست روجي
في ملح بحرك
-يا حلوة-ونويت
الطهور.

وقفلت عيني
على زحمة الجثامين
وأغفلت المصير .

وكنت أدري
من بدري خالص
بان روجي
ضمن النذور.

ورغم ذلك
قدّمتهالك
ف غرقت، وائتي
ولا خدتي بالك

...

معذورة
عشّاقك كثير.

طوّلت الغيبة المزة دي
ومفّيش تليفون
أعرف أسباب
وبأمر السجّان وكلابه
ممنوع أكتب لك، حتى،
جواب
ولإن البال مشغول بيكي
ممنوع الحلم، بأمر السهد
والجهد الباذله
عشان أنسى
يشبه لسراب
لا يبيلّ الريق
ولا يقضي على الأمل الكذاب.
وأنا في الحاليتين
ياهعيش في عذاب المنتظرين
ياهموت
-في غيابك- بعد عذاب .

فلاح أراري، مليش في اللون
لا كنت بيه، ولا ينفع أكون
أبويا قال لي زمان في الغيط
يا ابني ان حبّيت، اوعاك تخون

..

ويا ابني اوعاك تستلم
في الحب، مهما هنتعلم
تصبح أجهل مما اتمسيت
ده الحبّ رزق، ومتقسّم

..

بص الكافورة على الترعة
من ألف ميل تتشاف، فرعه
لكن هنا مادّة جدورها
وعشان كده في السما طالعه .

..

راح تبقى ما دمت مجدر
في طين بلادك، عود أخضر
محي-برحمة-لأحبابه
لكن عليه ما العدا يقدر

..

الدنيا راك تغويك، فارسي
وافرسها فيك مليون فرصة
في المبتدا تزغلل عينك
وفي النهاية، وراها كارثة .

..

دي الدنيا أصللا، يا حماده
تبان في سكرها زياده
وهي أصل مرار الروح

وديتك "فنجان سادة"

..

في كلّ سكة هتلقى كلاب
نباحه، أو سائه الأنياب
أوعاك تشوفها تخاف وتكشّ
في الوشّ واجهها ولا تهاب

..

والبأس من خيات إبليس
ما تنوّلوش حلمك، ده خسيس
احلم، والهد ورا حلمك
الحلم، من غيره انت تعيس

..

وإن خفت إجري لحضن الله
هياّمك طول ما انت معاه
لا تلتفت بعده لأسباب
هوّ المسبب، عيش في حماه

..

وكلمتك شرفك، يا أحمد
في الحق قولها ياواد، واجمد
الكلمه سيف، في زمن الزيف
وكاتمها ملعون في المشهد

..

وأخيراً: اصبر على بلواك
وشيل لوقت الضيق سلواد
مادمت ماشي ف سكة خير
إيه راح يضير كتر الأشواك؟

..

يا ابني، وصاحبي وعكّازي
وكلّ مالي، وإنجازي
إياك يا واد تنسى كلامي

بعد اما يغزوني الغازي

.....

.....

وحدك يا ابويا انت رفيقي
وصاحبي في سعتي وضيقني
سامح غياي، ماهو بيدي
مانت اللي وزييتي طريقي

..

أبويا "سعد" ف ليه يشقى ؟
لو كان بإيدي، الكون يبقى
خدّام مداسه وفدا ضافره
والفرحة لعنيه متسابقة

..

طول عمره ضمن الشغيلة
وغيطه هو ابنه الحيلة
الأرض بتنبتها خطاه
والحبّه، في ميزانه، ب كيله

..

تلاميذه أنا مش أولهم
هو الضيا ف حالك ليلهم
يسقيهم النور بكفوفه
وحروفه، لو تاهوا، دليلهم

..

في ساعات بلاه، ما جزع مرّه
-ولا أبلام النفس الحرّة-
حابس دموعه لتكسرنا
ودموعه عامله عليه ثورة

..

أنا من صبايا مليش عنوان
في جوابه، غير عنبر في ليमान

وأنا اللي إبنه ما بيشوفنيش
غير بعد إذن من السجنان

..

ناصب صوان العزا في الدار
شققا صعود، وولاد ثوار
مشاركني سجني ومنفايا
ونازف لي ساعة ضرب النار

..

يشبه "أبو ذر" في زهده
وحسيني في رسالته وجهده
الله يحبه، فمختاره
من اللي بالصبر يجاهدوا

..

عذراً يا أبويا ما تزعلش
إنتي اللي قلت لي: يا ابني امشي
في سكة الحق، ولا تخاف
ده اللي يخاف ما بيوصلش

..

يعوّضك ربي بفضله
ويحقق العدل.. بعدله
ويرجع اللمة الأولى
ويعدّل الحال على عدله

..

وأه صحيح، قبل النسيان
وقبل ما يطبّ السجنان
هات في الزيارة كام كلسون
وكام شراب، اصل انا سقعان .

في السكّة مشينا

لوجه الله

خطاويننا حياه

ومرادنا نجاه من كفت الشوف.

فيينا اللي عنيه زغللها الزيف

أو شلّه الخوف. أو ضلّ وتاه

لكن، يارفاقه، حروف العهد

-على رقابنا-

قظّاعه سيوف

ورقابنا، برغم الموت

شايلاه

والعهد ماهوش محتاج لألوف

واحد.. اتنين

كافيين وزيادة

مادام صادقين.

ما نشفش الدمّ على الأسفلت

ولا حاشت طلّتهم زنازين.

بنذگر

مش علشان ناسيين

الذكرى طمان، ودليل إمكان

الذكرى ميدان

طايفين حواليه

بهتاف و صلاه

ودماء وأنين.

بنخلّق من حكايتنا

قمر

ونقيد، بالذكرى،

لشهادتنا

-في العتمة-
. شمس ٢٥

مستعجل ليه ع النهايات ؟

خد راحتك ف العلاقات

واهدا

بس منا هذه .

بظل من أول لحظة تشفت

مشهد فرقتكم بالكربون

ده الوجة الفايت بكره يخفت

والماضي يهون

لما تطبطب لك على روحك

وتداوي جروحك بعنيها

سيب نفسك ليها وما تفكرش

تديريك أثبت خذلانه

ما تسيبش عشانه اللحظة

تفوت

بكفاية حماقه ، اشبع منها

ضحك وتنهيد ودموع ، وسكوت

اقطف رمان جناينها

وصب

من كاس شفايفها

عصير التوت .

بعدها صدقي ، مش فارقه

هتعيش . وللا تسلّم للموت .

حظّ الغياب كالغراب
على روحنا، فبعدنا
كان انتظارنا سراب
أوهامه بتصيدنا .
ليه يا حبيبي مشيت
وسبت قلبي ينوح ؟
لمّا انت ناوي تروح
كان ليه تواعدنا؟

(35)

طال الغياب ف دريت
إن الفراق محتوم
واما غشائي داريت
دمعائي خوف م اللوم
فبلاش تلوميني
ع اللي جرى ف البعد
انتي اللي خنتي الوعد
وبعتي عمر ..
ف يوم .

(36)

الشمعه والعه والفؤاد محروق
كان إيه هيجرى لو طفيتي الشوق؟
البوح مرار..والصمت برضه مرار
حليلي عمري،نفسى أرجع أدوق.

(37)

قاتل بياخذ العزا
وقتل بياخذ جزا
يا مصر....
يا معجزة:
يكفيكي هذا العبث.

(38)

ماسك ايديكي بقوة في الأول

ومتبته في إيديا

زيّ الغريق

ياهل ترى كان أمل

سكتنا دي تطول؟

ولا ده خوف فطري

م الفرقة

آخر الطريق؟

(39)

لذ كنت بس أقدر
على وجيعة القدر
من تاني
كنت اترى
في حضنك المنتهى
لكل ما يُشتهى
ولكل ما ينتظر.

..

لو كنت أقدر
بس
الحزن ما خ لاش
في القلب ولا دقه
علشان تناديكي
إذا جيت انا ليكي
هتروحي في
بلاش.

..

مابقاش خلاص في
ما قد حبيبة تعوز
وعشان كده ساكت
ولا قلت لك: حبيت
يا كل ما اتمنيت:
حبّ اللي مات لا يجوز .

إذا قَرَّبْتِ تتشاغلي
وإن سبتك تَضْمِي أَلوف
صحيح في القرب مش معروف
بنقوى، ولا نهدم بعض
لكن-حتماً-
في وقت البعد
هاموت م الحزن
أوم الخوف.

(41)

في قلبي

غريتي وهمي

وبكره حاني لي أكتافي

وبسمة حزنك الدافي

تقيم ضهري وتحميني

ف ليه بإيديكي ترميني

ف بير فايض وجع صافي

وانا اللي باحسبك أمي ؟

(42)

قيسوا الغياب بالوجع

والشوق

ولسع الحنين.

مش بانقضاء السنين

بيتحسب الانتظار

اللهفة نار

والحكب

-عجبي-

قلوب الملهوفين .

(43)

يا صاحب الفجر الغايب
اأذن لنا بطلوع النور
لينا، في ضيآته، حبايب
حاشهم غشيم، ورا هذا السور!

(44)

يا دمّ سايل فوق خريطة العار
مش راضية تبلع حقلك التربة
الكّلّ مستعجل معاد التار
وأنا دمعي أكّد عجزني في العربة

(45)

يسعد عيونك. عارفيني ؟
أم غيب السورده ملامحي ؟
من وقت شوفتك، في النبي،
شايك،
يا حزيبي....وقمحي!

(46)

على بابك مددت الكفّ
ولا ملّ الرجا، ولا كفّ
كثير، قبلك، تعب م اللفّ
ولا لغيرك سكن وارتاح!

(47)

-شايڤ بريق الأمل؟

=شايڤه، بعيد يا خي.

-اسعى له من غير كلل

مهما هيبيعد؛ جي!

(48)

الأمل ممدود طريقه
للوطن زي الجنائين
اللي آمن بيه رفيقه
واللي ييأس بيقى خاين .

يا وطن مطعون فؤادُه
كيف تسبب الموت يهينك؟!
اللي بيعاديك عِنادُه
مقتله، فارفع جبينك!!

بعد ما تطرح ثمارك
والشموس تَضوي ف نهارك
والحبيب من بعد غيبته
يرتمي ف حضنك وجارك
اوعي تنسي توَدعي
بعد ما طال انتظارك
واذكري إني شهيدك
مُتّ لاجل آخذ بتارك !! __

(51)

الحجّة بايخه ، والعدو غدار
والأمة دايخه، تحت ضرب النار
صبرك جميل، ياسوريا، شدي الحيل
شعبك بيخلق في سمانا نهار

**

يا "آل سلول" : خيانتكو مفضوحة
بترولكو ولا يسوى نسمة في ربيعي
فواتير "جريمة القرن" مفضوحة
العادي صهيوني، مش تركي ولا شيعي

**

يا بلاد بتخسر قبل بدء الحرب
أبطال علينا، وأحذية للغرب
خاينين؛ فيا سعد العدو بيكم
انتو الهزيمة، وانتو أصل الكرب .

**

يا بلاد جبانة ، مسلّمة وخايفة
مش حاسبة سوريا ليه من الطايفه؟
حاطين "ترامب" إمام في قبلة عار
التار مصير عربيتكم الزايفة .

**

يا اهل العروبة النسمة بكره تهلّ
وتهلّ فرحة تحرّر الأوطان
النور هيشرق في عيون الكلّ
خصوصي للماشيين، في سكة الميدان.

*بعد عدوان أمريكي، بريطاني، فرنسي على سوريا ٢٠١٨م

(52)

شادر عزا منصوب
على ناصية الثورة
كلّ اللي شال اتشال
كلّ اللي بات، اتفضّ
والحزن، كان في القلب
قبل الرصاص ما يفيض
ويفضّي أحزاننا
مع دمّنا، ع الأرض

..

كلّ الرفاق طالعين
واحد ورا الثاني
فايتيني متحير
واقف بلا صحبة
في عزاي، زيّ لقيط.
سبقوا ومعلّمونيش
أبكيّني وأنعاني
ولا درّبووا خطوي
ع المشي فرداني .

..

يا دايسين الرصيف :
اخلعوا نعلكم ..
أرض الميدان مدبح
ودمّنا القريان .

(53)

يا جدّي الشجرة
انفرطوا حبّاتك
ع الأرض واتداسوا
لا لمّهم جعان
يكفوه مهانة الطلب
ولا حظّهم رحمن
على جنب، واتباسوا
ولسه مع ذلك
قادرة تعيدي الطرح
وترمي في الموسم
الفرح ع المخاليق
وتضّي طول العام
في عابرين الطريق
والمنهكين م السعي.
حبّاتك انفرطوا
من كتر ما قاسوا
وانتي مفيش دمعة
ولا حتى كلمة ف نعي .
وأنا السؤال غارس
في نصال فاسه
كيف داري أنا ببساع
حتى كلاب السكك
وف وثنّ نبت حشاه
بيسكّ ترباسه .

**

يا جدّي الواقفة
طول الزمان في الخلا
طابت لك التوطية
لمّا عاشرتي الريح؟

بعد ما كان الجميع
حاسدك على اللمة
فرع وورق وثمار
دلوقت عريانة
ومصلوبة للفرجة
آدي آخرة التفريط.
بعد ما كان ضلهم
كحلة على رموشك
إزاي تفوتي الثمر
مجاريح ، على الأسفلت؟
والأرصفة من صخر
لا صدر، ولا طبطبة
وخصوصي للمطاريد
ف إزاي تفوتي العيال
للدوس بلا عزوة
وهمّ عود الغدّ.
يا جدّي: يتهدّ
من باع نهار بكره
لعتمة إمبراح .
أكادة ابن حرام
اللي اتنسب للغير
واتبرّى من ناسه
هيجفّ عود عمره
ويروح هشيم منتور.
لمّي حباي العين
-يا جدّة- م السكّة
لاجل تشوفي النور
ويغور ضلام الليل
عن غيطننا وحياتنا
يا جدّي الشجرة .

(54)

في المعتقل كانوا الرفاق
في المعتقل ظلّوا الرفاق
ولسّه ،رغم سنين كثير
لا حدّ سكّت حسّهم
ولا الزمن كسب السباق
في المعتقل.

(55)

الكفّ بكفّ

والكلمة بألف

والباطل-مظروف لحظتهم-

هنردّه

بتغيير الظرف .

الأرصفة. المسافات. السجانين، والسور
القاتل المحشور في ذاته المنتفخ
القاتل المعمي بغرور الإنفراد
المقتولين المفعمين بالعناد
المقتولين المندورين للنور {فراشات
تطاردها حلمها، ولو كانت الأحلام قبور} .
إنهاك بُنا الأوهام جسور
تتمدّ بين الإنضباط المفتعل
والإنفلات المستفاد م التجربة .
الأسئلة ، الشرهة، اللوححة، المرعبة .
نوبات آمالنا المستعارة من العدم .
الجري، على حدّ الصراط، من غير قَدَم
ورا الصحاب الصاعدين
في طابور، مراده: الأجوبة .
فقدان خطاك- في الهاوية-
شيئاً، ف شيئاً .. فارتطام .
تزعيط حمامات السلام
علشان فوجئت بإن حلمك لا يفيد
غير الحانوتي، وبياعين الاعلام
وتجار البارود.
علشان فوجئت بإن تأخير الوعود
كان تواطؤ م السما
مش فرق في نوع السلاح
أو في إقبال الجنود .
اكتشافك- بعد قسمة لهفتك
ع الخيبة والخذلان وتكرار التكرس-
إن بأسك مش حديد .
وإن كتمان اشتهاك
للجميلة المُبعدة، عنك، عبط

مش عَقَّة، ولا صبراً جميل .
وإن معارك العمر الجليل
كان اضطرارك النبيل
علشان تجتَب قَصَّتكَ عار القعود
أو الفرار
يمكن تنام مرتاح في آخر الليل
يمكن تموت مرتاح ، في آخر المشوار .

*كلّ القصيد اتكتبت في المعتقل

في زنزانة انفرادي

فلها الفضل أولاً وأخيراً.

أ.د.